



## Sumáriu atividade monitorizasaun iha Tribunál Distritál sira no Asisténsia Legál Períodu Marsu 2021

### I. Introdusaun

Iha fulan Marsu 2021, Governu implementa Estadu Emerjénsia ho aplikasaun serka sanitária no konfinamentu obrigatóriu iha Munisípiu Dili, Baukau no Suai nune'e iha fulan ne'e movimentu ka sirkulasaun ba atividade sira tenke para, aseptu instituisaun sira ne'ebé tenke fó atendimentu públiku inklui tribunál, Ministériu Públiku no Defensoria Públiku bele hala'o atividade sira ho limitadu no tenke kumpri regra sira prevensaun nian.

Bazeia ba desizaun Governu hodi kontinua fó biban ba tribunál sira funciona ho limitadu nune'e ho nafatin kumpri regra sira prevensaun nian, JSMP mós nafatin halo monitorizasaun limitada iha tribunál distritál sira no kontinua fó asisténsia legál limitada ba vítima violénsia bazeia ba jéneru.

Bazeia ba observasaun JSMP nian iha tribunál distritál sira observa katak tribunál sira nafatin halo prosesu julgamentu iha edifísiu tribunál sira maibé ba kazu prióridade ka urjente sira, kazu primeriu interrogatóriu, arguidu prezu, providénsia kautelár no prosesu sumáriu sira. Iha fulan Marsu ne'e, laiha tribunál movel tanba aplikasaun serka sanitaria no konfinamentu refere.

### II. Atividade sira

#### 1) Monitorizasaun iha tribunál sira

Iha fulan Marsu 2021, JSMP monitoriza kazu hamutuk 27 kompostu husi kazu krime hamutuk 26 no kazu sivíl 1 (ida). Totál kazu ne'ebé julga iha kada jurisdisaun tribunál sira mak hanesan iha Tribunál Distritál Dili (TDD) krime 3 (tolu), Tribunál Distritál Baukau (TDB) krime 4 (haat), Tribunál Distritál Suai (TDS) krime 2 (rua) no Tribunál Distritál Oekusi (TDO) krime 17. Entretantu kazu sivíl 1 (ida) julga husi TDO.



Husi rezultadu monitorizasaun iha Marsu ne'e no tuir dadus estatística JSMP nian hatudu katak númeru kazu Violénsia Doméstika (VD) mak aas liu no tuir kedas kazu ho natureza violénsia seksuál (VS).

**Tabela : Tipu kazu no totál kazu tuir jurisdisaun durante Marsu 2021**

Jurisdisaun	Totál	Tipu kazu				
		VD	VS	Korrupsaun	Sivíl	Seluk
Dili	3	1	2	0	0	0
Baukau	4	4	0	0	0	0
Suai	2	0	1	0	0	1
Oekusi	18	14	1	0	1	2
<b>Totál</b>	<b>27</b>	<b>19</b>	<b>4</b>	<b>0</b>	<b>1</b>	<b>3</b>

Tipu kazu	Artigu	Númeru
Ofensa ba integridade física simples – VD	Artigu 145 Kódigu Penál (KP) & Artigu 2, 3, no 35 letra (b), 36 Lei Kontra Violénsia Doméstika (LKVD)	19
Abuzu seksuál ba menor	Artigu 177(1)	2
Violasaun seksuál	Artigu 172 KP	1
Koasaun seksuál	Artigu 171 KP	1
Tentativa omisídiu simples no arma brankas	Artigu 23, 138 KP & Artigu 2 nú.1 (f) no 20 husi Lei Nú. 5/2017	1
Ofensa ba integridade física simples	Artigu 145 KP	1
Kondusaun sein karta	Artigu 207 KP	1
Divórsiu ho mutu konsentimentu	Artigu 828 (2,3) Kódigu Prosesu Sivíl (KPS) & artigu 1652, 1653, 1654, 1655 Kódigu Sivíl (KS)	1
<b>Totál</b>		<b>27</b>

**Gráfiku : Tipu kazu no totál kazu tuir jurisdisaun durante Marsu 2021**



## 2) Asisténsia legál ba vítima Violénsia Bazeia ba Jéneru (VBJ)

JSMP kontinua fó asisténsia legál limitadu ba VBJ iha Munisípiu Dili, Ermera no Bobonaru tanba implementasaun serka sanitaria no konfinamentu obrigatóriu.

JSMP observa katak iha Ermera (Gleno), vítima sira kontinua hato'o keixa ba iha Polísia-VPU maibé polísia sira só rejista de'it kazu sira ne'e no haruka vítima sira filafali ba uma. Polísia sira la refere vítima sira ba iha Uma Mahon ka PRADET tuir nesesidade vítima sira nian tanba tetu katak Dili iha hela serka sanitaria no konfinamentu obrigatóriu.<sup>1</sup>

Iha fulan Marsu ne'e, JSMP consege akompaña kazu hamutuk 4 (haat) hanesan tuir mai :

**Tabela kazu ne'ebé JSMP fó asisténsia legál iha período Marsu 2021**

Distritu	Violénsia doméstika	Abusu seksuál ba menór	Fraude seksuál	Tipu seluk	Totál
Dili	0	1	0	0	1
Ermera	2	0	1	0	3
Bobonaru	0	0	0	0	0
<b>Totál</b>	<b>2</b>	<b>1</b>	<b>1</b>	<b>0</b>	<b>4</b>

### III. Konkluzau no Rekomendasaun

Durante fulan Marsu 2021, JSMP monitoriza kazu hamutuk 27 ( krime 26 no sivil 1) ne'ebé julga iha TDD, TDB, TDS no TDO. Husi kazu sira ne'e kazu ne'ebé mak a'as liu mak kazu ofensa ba integridade fizika simples ho natureza violénsia doméstika, tuir kedas krime sira ho natureza violénsia seksuál. Alende ne'e, iha fulan ne'e JSMP fó asisténsia legál ba vítima sira iha Munisípiu Dili, Bobonaro no Ermera hamutuk kazu 4 (haat).

Kazu sira ne'e hotu maioria feto no labarik mak sai nu'udar vítima. Feto ho labarik kontinua moris vulneravel. Tanba ne'e, JSMP kontinua husu ba entidade sira hotu hanesan Governu, setór justisa, Parlamentu Nasionál, setór privadu, relijiozu, sosiedade tomak inklui média atu serbisu hamutuk kontinua

<sup>1</sup> Informasaun kompletu bele haree iha: [https://jsmp.tl/wp-content/uploads/PrSerkaSanitarianokazusiraVBG\\_TETUM.pdf](https://jsmp.tl/wp-content/uploads/PrSerkaSanitarianokazusiraVBG_TETUM.pdf)

luta hodi prevene, hapara no halo-lakon krime VD no violéncia seksuál iha Timór Leste.

Atu hetan informasaun liután bele kontaktu:

Ana Paula Marçal

Diretora Ezekutiva JSMP

Email: [ana@jsmp.tl](mailto:ana@jsmp.tl)

Telefone: 3323882 | 77040735

Website: <https://jsmp.tl/>